



ATASSUT
Steen Lynge

UPA15/85-1
18.03.2015.

Uunga siunnersuut: Nioqutissanik eqqussuineq annissuinerlu pillugit Inatsisartut inatsisaata allanngortinneqarneranik Inatsisartut inatsisaat nr. x, xXx 2015-imeersoq.

(Timmisartuutileqatigiiffiit ilaasui pillugit paasissutissat atortutigut elektroniskiusutigut takuneqarsinnaanissaat kiisalu akitsuuserisut inunnik scannerillutik misissuisinnaanissaat)

(Aningaasaqarnermut Aatsitassanullu Naalakkersuisoq)

Ilisimaneqartutut aanngajaarniutit nunatsinni inerteqqutaagaluartut ajoraluartumik eqqussuunniarneqartarneri aammalu nunatsinnut anngiortumik eqqunneqarsimasut tuniniarneqartarneri innuttaasunut ataasiakkaanut, ilaqutariinnut inuiaqatigiinnullumi annertuumik ajornartorsiuteqarnitsinnut pissutaaqataalluinnarput.

Taamaammat anngiortumik nunatsinnut eqqussuiniartoqartarnera akiorniarlugu iliuuserineqarsinnaasut tamaasa ATASSUT-mit tikilluaqqungaarpagut.

Matumani timmisartuussisartut ilaasorisatik pillugit paasissutissiisussaataalernissaat aammalu akitsuuserisut inunnik scannerillutik misissuisinnaanissaat aqutissiunniarneqarput, tamannalu ATASSUT-mit iluarisimaarparput.

Kalaallit Nunatsinni politiit akitsuuserisullu tamaviaarlutik suligaluartut ikiaroorartup haship nunatsinni sumiiffippassuarni siaruarsimanera inuppassuit inuunerissaarlutik inuuneqarnissaagaluannik arsaarneqartarput, inuusuttut, allaallumi inuusuttuarannguit atuisunngorsimasarput piaartumillu unitsinngikkunikku atornerluisunngorsinnaallutik inuunerminnik innarlerneqaatigisarlugu, taamaammat anngiortumik eqqussuiniartarnerit nungusarneqarnissaat tamaviaarutigissallugu tamatta akisussaaffigaarput.

Taamatut naatsumik oqaaseqaateqarluta ATASSUT-mit siunnersuut taamatut iluseqartillugu akuersaarparput.